

Sindikalna organizacija Grada Zenica

Zenica, 27.01.2020. godine

Saopćenje za javnost

Reagovanje Sindikalne organizacije Grada Zenica povodom neusvajanja Odluke o privremenom finansiranju Grada Zenica za period 01.01. – 31.03.2020. godine

Povodom neusvajanje Odluke o privremenom finansiranju Grada Zenica za period 01.01. – 31.03.2020. godine Sindikalna organizacija Grada Zenica održala je nekoliko sastanaka na kojima su razmatrane posljedice nastale takvom situacijom. U prvom redu želimo podsjetiti javnost da je neusvajanjem Odluke o privremenom finansiranju Grada Zenica za period 01.01. – 31.03.2020. godine odnosno Prijedloga Budžeta Grada Zenica za 2020. godinu došlo do:

- nemogućnosti funkcionisanja Grada kao jedinice lokalne samouprave, odnosno nemogućnosti finansiranja svih poslova, funkcija i programa iz nadležnosti Grada
- nemogućnosti izmirenja svih obaveza utvrđenih zakonskim propisima (porezi, doprinosi, porezi na dodatu vrijednost), kao i obaveza preuzetih po osnovu zaključenih sporazuma, a što će stvoriti dodatne obaveze na ime plaćanja zatezних kamata i novčanih kazni,
- nemogućnosti nabavke potrebnih sredstava za rad gradskih službi, Profesionalne vatrogasne jedinice Grada Zenica, kao i JU Centar za socijalni rad Zenica te
- nemogućnost isplate plaća i drugih naknada za zaposlenike Gradske uprave Zenica.

Ovim putem izražavamo zabrinutost i pozivamo vijećnike Gradskog vijeća Zenice i Gradonačelnika da u što kraćem vremenu iznađu rješenje za novonastalu situaciju, kako bi spriječili dalje štetne posljedice po normalno odvijanje procesa i obavljanje poslova iz nadležnosti Grada Zenica.

Na tim sastancima je zaključeno da će Sindikalna organizacija Grada Zenica aktivno pratiti dalji razvoj događaja, kako zbog općeg stanja u Gradu, tako i zbog daljih eventualnih mjera za poštivanje i zaštitu prava zaposlenika Grada Zenica, što između ostalog uključuje i mogućnost štrajka upozorenja ukoliko ne dođe do normalnog obavljanja poslova iz nadležnosti Grada Zenica, kao i isplata plaća i drugih naknada koje nemaju karakter plaća.

**Predsjednik Sindikalne organizacije Grada Zenica
Nermin Ljubović**

